

後漢書辨疑

後漢書辨疑卷九

嘉定錢大昕晦之甫學

杜根傳

父安字伯夷 先賢行狀云安年十歲名稱鄉黨至十三  
入太學號曰神童既名知人清高絕俗洛陽令周紆數  
俟安安常逃避不見時貴戚慕安高行多有與書者輒  
不發以慮後患常鑿壁藏書後諸與書者果有大罪推  
捕所與交通者吏至門安乃發壁出書印封如故常時  
皆嘉其慮遠三府並辟公車特徵拜宛令先是宛有報  
讐者其令不忍致理將與俱亡縣中豪彊有告其處者  
致捕得安深疾惡之到官治戮肆之于市懼有司繩彈

迷自免後徵拜巴郡太守率身正下以禮化俗以病卒  
官時服薄斂素器不漆于自將車州郡賢之表章墳墓  
爲宜城山中酒家保 鷓冠子云伊尹酒保太公屠牛皆  
海內荒亂立爲世師前書欒布傳云窮困賣庸于齊爲  
酒家保孟康曰酒家作保保庸也可保信故謂之保顏  
帥古曰爲保言保可任使

拜侍御史 先賢行狀作符節令

劉陶傳

耳不聞檀車之聲 檀車用牧野洋洋檀車煌煌詩也注

非

李雲傳

又立掖庭民女亳氏爲皇后 亳皇后本紀作薄案亳薄  
古字通故湯居亳或作薄

劉瑜傳

河圖授嗣正在九房 費士璣曰九房似卽九宮易乾鑿  
度有太一下行九宮之說而無河圖之名據此則以茲  
九履一者爲河圖宜可信

勲字伯元 案尹勲自有傳不宜重見又彼傳云伯父睦  
兄頌此又云從祖睦睦孫頌一人手筆而前後重複互  
異若此

四選尙書令 本傳作五選

虞詡傳

誠宜令四府九卿 四府者謂太尉司徒司空將軍府也  
注以太傅足之非是是時無太傅

傳變傳

謚曰壯節侯 案變破張角功多當封爲中官所疾不得  
封是變並未封侯也疑傳謾

蓋勳傳

今重已重 上重字當作罪

尚叛羌圍護羌校尉夏育於畜官 漢制有牧師苑分在  
河西六郡界中皆令官主養馬此所云畜官是也注以  
爲右扶風畜牧所在謾

臧洪傳

徙爲東郡太守都東武陽 郡治本在濮陽故特書都東

武陽

張衡傳

作二京賦因以諷諫 夏侯湛張平子碑云二京南都所

以贊美畿輦者與雅頌爭流英英乎其有味歟見隸釋  
於心有猜待 注待字誤入正文閩本不誤

注藝文志陰陽流有風后十三篇 案藝文志陰陽家者

流二十一家兵陰陽十六家此風后十三篇在兵陰陽  
十六家中注云陰陽流誤矣

注藝文志陰陽有地典六篇 此亦在兵陰陽十六家中

與前同誤

子憂朱泚曼之無所用 朱疑夫字之譌

志團圓以應懸兮 團圓閩本作團團文選作搏搏

彼無合其何傷兮 其何文選作而可

合嘉禾以爲敷 文選作嘉秀秀乃光武諱作禾者不誤

馬融傳

拜爲校書郎中 梁謹傳作校書郎麗參傳作校書郎中

孳斂九藪之動物 說文孳東也詩曰百祿是孳

皇牢陵山 皇當作皋閩本不誤

旃旒摻其如林 說文旃建大木置石其上發以機以追

敵也春秋傳曰旂動而鼓詩曰其旂如林大昭謂如林

二字正用詩詞蓋馬氏本與許氏同也章懷注非是

車攻馬同教述戒通 惠士奇曰通者掌固之通守政達者遂大夫之四達也四達戒功以通守政達猶通也守在四通故曰四達衛宮中者投八次之職守境內者戒四達之功盡三巡夜三鑿則戒之事也教而戒之職在有司而掌固贊其不足焉

田開古蠱 古蠱疑當作蠱治蓋舊本有作蠱治而注爲蠱音古者後人傳寫譌謬遂爲古蠱而音蠱爲治章懷不能是正而謂蠱與治通其謬滋甚

詔舉郭樸 郭當作敦

桓帝時爲南郡太守 梁不疑好經書善待士冀陰疾之南郡太守馬融初除過謁不疑冀諷州郡以它事陷之



蔡邕傳

建寧三年辟司徒橋元府 案本紀橋公爲司徒在四年

三月非三年也

所以督察姦杜 杜當作枉

曹節於復竊視之 復當作後

注遺事流離因上書自陳 邕所上書全篇見續律歷志

此特振舉耳

比往而酒以酎焉 酒閩本作主

初平二年六月地震 上文已云初平元年此初平兩字

可省

時年六十一 案邕徙朔方時自言臣年四十有六至董

卓伏誅邕年六十歲也此云六十一誤

左雄傳

南郡涅陽人也 南郡當作南陽

臣聞柔遠和邇 聞本臣聞下有之字

自是選代交互今長月易 漢制婚姻之家及兩州人士

不過對相監臨所云交互是也今當作令

臺即疑而詰之 續漢書百官志云御史中丞爲御史臺

率謁者僕射爲謁者臺率符節令爲符節臺率又風俗

通云尙書御史臺皆以官倉頭爲吏則尙書亦稱臺此

所詰者當是尙書臺郎也

迄于永嘉 熹當作憲今本紀作永嘉字之譌也說見沖

帝紀

周舉傳

汝南汝陽人 地已書于防傳黃瓊地已書文苑黃香傳

李固地已書方術李郃傳鄭泰地已書鄭眾傳可省

延熹四年辟司徒李郃府 延熹當作延光傳誤

乾坤定矣 定矣閩本作以定

尚字河伯河南郡人也 南郡上河字衍本紀作南郡注

云即人

黃瓊傳

即拜議郎稍遷尚書僕射 李固薦瓊疏云瓊久處議郎

已且十年

黃琬傳

後瓊爲司徒時司空盛允有疾瓊遣琬候問會江夏上經  
賊事副府允戲琬曰江夏大邦而蠻多士少琬奉手對  
曰蠻夷猶夏責在司空 案允于延熹二年由大鴻臚  
爲司空次年遷司徒允爲司空時瓊爲太尉非司徒也  
傳誤

更封陽泉鄉侯 其鄉在南陽魯陽縣

論復增敦朴有道賢能直言獨行高節質直清白敦厚之  
屬 案潛夫論尙有明經寬博武猛治劇等各

荀爽傳

觀鳥獸之文與天地之宜 闕本無天字

南悅傳

官用權 官闕本作宦

必乎真定而已 定申鑿作實

臧否不問其揆一也 問當作同

鍾皓傳

同郡陳寔年不及皓皓引與爲友 魏志鍾繇傳注云寔

少皓十七歲

陳寔傳

陳寔字仲弓 太丘長陳寔碑云君諱寔字仲躬洪景伯

曰諸書皆作字仲弓此碑不同殆是借用

名士無往者讓甚恥之寔乃獨弔焉 黨錮之起由於名

士之疾惡太嚴孔子大聖何嘗觸忤陽虎及其作春秋則書之爲盜此所以免禍于亂世也陳仲弓之獨弔張讓父其知道乎

陳紀傳

子羣爲魏司空 魏志陳羣傳云羣爲兒時寔常奇異之謂宗人父老曰此兒必興吾宗

李固傳

固乃與廷尉吳雄上疏 雄字季高河南人附見郭躬傳先是蠡吾侯志當取冀妹 當閱本作嘗非也

夏門亭長呵之 史作夏門注云萬壽攷杜喬傳亦作夏門則注誤也

吳祐傳

祐以光祿四行遷膠東侯相 舊制光祿舉三署郎以高  
功久次才德尤異者爲茂材四行

時扶風馬融在坐爲冀章草 融傳云爲梁冀草奏李固  
以此頗爲正直所羞

史弼傳

生乃說以它事竭弼 竭當作謁

盧植傳

遂隱于山谷 續漢書云隱居上谷軍都山

趙岐傳

因共上爲青州刺史 魏志閻溫傳注作豫州刺史

要子章句 要子疑是孟子之譌案趙氏孟子題詞云  
述已所聞爲之章句

皇甫規傳

臣不勝至誠沒死自陳 沒死卽昧死昧沒聲相近

霧氣白濁 霧氣見卽顛傳所云白濁案易稽覽圖云太  
平之時太陰用事而少陽卦當效時至則於效上分一  
時非太平以其卦分效則可未可責時至立效也太陽  
用事少陽卦效亦如之凡形體不相應皆有其事而不  
成也其在位者有德而不行也有貌無實有實無貌故  
言從其類也上爲貌也寒溫爲實鄭康成注云形謂白  
濁清淨可得而見故言形體者以身體寒濁也不相應



者温不清淨寒白濁也德者帝王之道其在位者廢而  
不行故不相應也白濁清淨故寒温不效此佞人之道  
也寒温白濁清淨不效此賢者之類屈道仕也白濁清  
淨其上貌寒温者是爲實

流血丹野 丹闕本作川

延熹四年秋叛羌零吾等 本紀在六月此作秋誤

張奐傳

與尙書劉猛刀翬衛良 刀翬字子榮附見黃瓊傳

黨同文昭之德 黨古儻字

段熲傳

注宗字子松 宗上脫會字

司徒尹訟薦頌 本紀作尹頌

又雜種羌屯聚白石 白石縣名前志屬金城續志屬隴

西

陳蕃傳

初仕郡 蕃爲郡功曹時太守王堂也

舉首頓眉之感 感古憾字

蕃與司徒劉矩司空劉茂共諫請瓊超浮等 案蕃爲

太尉與司空茂同時其時之司徒乃許詡也至劉矩嘗  
再任太尉未嘗爲司徒傳殆誤矣劉愷傳亦誤

前梁氏五侯壽徧海內 案列傳樂平侯梁安國單父侯

梁翟襄邑侯梁嗣城父侯梁桃穎陽侯梁馬俱以冀敗

秦市所謂五侯疑卽此五人也若屯騎校尉讓衛尉淑  
越騎校尉忠長水校尉戟傳中不言封侯又冀傳云一  
門前後七封蓋指以上五侯及乘氏西平二侯也若讓  
淑忠戟俱侯冀傳何以不數及之注說非是

今封蕃高陽侯 高陽下脫鄉字閩本不脫

王允傳

大將軍何進太尉袁隗司徒楊賜共上疏請之 案上文  
云中平元年又云明年則中平二年也其時何進爲大  
將軍張延爲太尉崔烈爲司徒楊賜爲司空無太尉隗  
也且隗亦未嘗爲太尉傳誤

士孫瑞字君策 魏志董卓傳注引三輔決錄注云瑞字

君榮

劉淑傳

永興二年司徒種暲舉淑賢良方正案種暲爲司徒在  
延熹四五年非永興時也傳誤

范滂傳

舉孝廉光祿四行時冀州饑荒盜賊羣起乃以滂爲清詔  
使案察之案第五種以司徒掾清詔使冀州見種汝

南周勃辟太尉清詔使荊州章懷引風俗通此皆公府清詔也

滂爲光祿勳之清詔

遷光祿勳主事主事疑是掾屬百官志所無又戴封及  
戴就俱曾爲光祿勳主事公沙穆以高第爲主事亦即

此官

尹頌傳

伯父睦爲司徒兄頌爲太尉 攷尹睦永元四年爲太尉  
尹頌永興二年爲司徒則睦未嘗爲司徒頌未嘗爲太尉也傳文倒誤

辛陟傳

時太尉張顥司徒樊陵 案本紀光和元年張顥爲太尉  
其時爲司徒者袁滂非樊陵也

張儉傳

又舉敦樸 敦樸光祿四行之一也

岑暄傳

李膺王陽稱其有幹國器 陽當作暢

范康傳

范康字仲真 范當作苑

時山陽張儉殺常侍侯覽母 常侍上當有中字

竇武傳

太尉溫之弟也 太尉當作衛尉

何進傳

何進字遂高 魏志注引續漢書云進本屠家子父曰真  
真死後進以妹倚黃門得入掖庭有寵

光和二年貴人立爲皇后 二年當作三年

又有左右校尉 樂資山陽公載記云議郎馮方爲助軍

右校尉諫議大夫夏牟爲左校尉見靈紀注

因復博徵智謀之士龐紀何陋荀攸等 陳景雲曰據荀

彘袁紹傳並作逢紀此作龐誤

鄭泰傳

司農眾之曾孫也 據魏志鄭渾傳則泰當是眾之元孫

婦女猶戴戟揅矛 載魏志注作載

以當妾戰之人乎 妾表注作忘

孔融傳

拜中軍候 魏志崔炎傳注云累遷北軍中候此作中軍

候誤

左丞祖者稱有意謀 閩本作左丞黃祖者案魏志崔炎

傳注云司馬彪九州春秋作左承祖與劉義遜並舉則承祖又似左君之字

一離刀鋸沒世不齒 離宋書刑法志作罹古字通

荀彧傳

今君爲十州之鎮 十當作一

彧乃德程昱說范東阿 德當作使

皇甫嵩傳

寶弟梁稱人公將軍 吳志孫破虜傳裴松之注引獻帝

春秋梁作良

封凡刻石 凡當從魏志賈詡傳注作戶

蹈流漳河飲馬孟津誅閭官之罪 魏志注流作蹟官作



宦

後漢書辨疑卷九終

後漢書辨疑卷十

嘉定錢大昭晦之甫學

董卓傳

董卓字仲穎 英雄記曰卓父有三子長子擢字孟高早卒次卽卓

注前書曰仲穎巡徼京師 仲穎二字誤當作中尉徼循

京師

史以爲尙書典選 魏志賈詡傳作典選舉

三年使謁者僕射裴茂 三當作二

劉虞傳

拜虞甘陵相 獻王忠之相也

公孫瓚傳

臣聞皇羲已來 裴注三國志公孫瓚傳引典略載瓚表

紹罪狀大意與此相同而辭句多有不同

紹令星工伺望祥妖 星工謂其將崔巨業也

紹遣小將盜居其位 小將謂周昂也

紹罪十也 裴注引十也之下有臣又每得後將軍袁術

書云紹非術類也紹之罪戾雖南山之竹不能載二十

八字

故齊桓立柯會之盟 柯會裴注引作柯亭

瓚乃自署其將帥為青冀兗三州刺史 魏志瓚傳云嚴

綱為冀州田楷為青州單經為兗州

拜北平將軍 陳景雲曰北平當作平北

陶謙傳

四遷爲車騎將軍張溫司馬 四遷謂舉茂才除盧令遷  
幽州刺史徵拜議郎參車騎將軍張溫事也

下邳閻宜自稱天子 閻當作闕

袁紹傳

父成五官中郎將 袁安傳云湯長子成左中郎華嶠漢

書

三國志袁紹傳注引

云湯四子長子平平弟成左中郎並早卒

未知孰是

除濮陽長 許劭傳長作令

注淳于夔爲右校尉 本紀注亦引山陽公載記作淳于

瓊

注斥丘縣屬鉅鹿郡 案兩漢志斥丘並屬魏郡不屬鉅

鹿

願上惟先代成則之誠 則裴松之引九州春秋作敗

且公師徒精勇 公闔本作今

袁譚傳

宣子之臣承業 魏志注引此篇無臣字疑衍

況我疾類 疾當作族

注遵而無改 遵當作違

是以周公垂涕以斃管蔡之獄 斃魏志注作蔽左氏襄

廿七年傳云以誣道蔽諸侯陸德明曰服虔王肅董遇

並作弊周禮大司寇職以邦成弊之鄭眾曰弊之斷其  
獄訟也蔽與弊通作斃者誤

何意凶臣郭圖妄畫蛇足 郭圖魏志注作逢紀案逢紀

審配與尙比辛評郭圖與譚比當從魏志注作逢紀

損先公不世之業 損魏志注作隕

貴名高於丘岳 高閻本作位

配等亦當敷躬布體 敷魏志注作祖

審配將馮札 札閻本作禮

幹乃留其將守城 其將夏昭鄧升也見魏志

注典論曰 典論魏志注作典略

劉表傳

荆州八郡可傳檄而定注漢官儀曰荆州管長沙零陵桂陽南陽江陵武陵南郡章陵等是也 宋江陵卽南郡所治章陵卽春陵南陽屬縣郡國志荆州七郡有江夏無江陵章陵三國志建安二十年劉備與孫權連和分江夏長沙桂陽東屬南郡零陵武陵西屬不言南陽建安二十四年吳分宜都秭歸二縣爲固陵郡二十五年權自公安都鄂改名武昌以武昌下雒尋陽陽新柴桑沙羨六縣爲武昌郡魏黃初三年以荆揚江表八郡爲荆州荆州江北諸郡爲郢州權叛復郢州爲荆州此皆以後之事劉表爲荆州刺史尙在初平元年也竊疑漢官儀之江陵是江夏之譌而章陵之郡不知置于何時

建安十八年省州并郡時已有章陵見獻帝起居注  
乃使越遣人誘宗賊帥至者十五人 裴注魏志劉表傳  
作五十五人

唯江夏賊張虎陳坐 裴注作陳生

注劉表將呂介介下兵射中堅頭 裴松之注孫堅傳引  
英雄記呂介作呂公下兵作下石

注代語曰 代語卽世語唐人避諱改也郭頒所撰頌晉  
襄陽令隋經籍志作魏晉世語

侍中從事鄧義陳 義當作義見魏志陳景雲曰侍中當  
作治中因下有侍中之文而誤

劉焉傳



初名爲鬼卒後號祭酒 隸續載米巫祭酒張普題字云  
熹平二月三日天表鬼兵胡九□□仙歷道成元  
施延命道正一元布於伯氣定召祭酒張普萌生趙廣  
王盛黃長楊奉等論受微經十二卷祭酒約施天師道  
法元極耳此碑有天師道法及祭酒鬼兵字而云受微  
經十二卷蓋諸張妖黨指傳授之約觀其詞以是姓胡  
老初入米賊社中故召請祭酒授以經法頗合史氏所  
載

欲舉漢中降 魏志建安二十年復漢寧郡爲漢中故上  
言領漢寧太守而此言漢中也

賁術傳

公孫瓚使劉備合謀 劉備下閩本有與術二字  
誘殺其王寵 寵陳敬王曾孫

任延傳

注東觀記曰秦時改爲太末 東觀當作東陽晉志太末

屬東陽郡

願得光死備錄 光當作先南監本不誤

臣聞忠臣不私私臣不忠 通鑑私俱作和案下文云上

下雷岡非陛下之福則和字是

王景傳

閩與郡決曹吏楊邑等 吏當作史南監本不誤

初平帝時河汴決壞 河汴當作汴河明帝紀注引此傳

亦作汴河決壞

注乃以校尉王延代領河堤謁者 案前書溝洫志作校尉王延世此作延代避諱改

郡界有楚相孫敖所起芍陂稻田 孫敖閩本作孫叔敖集於大衍元基云 於當作爲

第五訪傳

補新都令 兩漢志新都俱屬廣漢注云屬蜀郡誤

劉矩傳

叔父光順帝時爲司徒 案劉光順帝永建二年代朱寵爲太尉非司徒也傳誤

劉寵傳

劉寵字榮祖 閩本作祖榮吳志劉繇傳注與閩本同此  
誤

將閩少子封牟平侯 案牟平侯名溲

不可得也 也當從吳志注作止

注若使明君用公山於前 陳景雲曰使明當作明使漢  
代人稱州將皆曰明使君也

仇覽傳

年四十縣召捕吏 捕當作補南監本不誤

童恢傳

童恢 童當作董隸釋有故不其令董君闕

樊仲華傳

理家之理 下理字當作術南監本不誤

注軹縣屬河南郡 當作河內

不入冀府寺 冀爲太守治所故止言冀

陽球傳

及甫子永樂少府萌 甫子當作甫養子

球使以大室口 大當作土南監本不誤

孫程傳

涿郡新城人也 新城當作北新城

遂誅鄧氏而廢平原王 攷紀傳無廢平原王之事

彭愷爲西平昌侯注西平昌諸縣屬平原郡 諸字衍文

今本郡國志平原郡無此縣而西平昌三字反雜入樂

安國注中余讀通鑑卷四十四胡注云郡國志高帝以  
西平昌置千乘郡乃知其誤已久特無人校正之耳

王道爲范縣侯趙封爲析縣侯 案十九人皆縣侯也獨  
于此二人加縣字疑是俗儒妄增

使五官郎將 五官下疑脫中字

曹騰傳

曹騰字季興 續漢書云騰父節字元偉素以仁厚稱鄰  
人有亡豕者與節豕相類詣門認之節不與爭後所亡  
豕自還其家豕主人大慙送所認豕并辭謝節節笑而  
受之由是鄉黨賞歎焉長子伯興次子仲興次子叔興  
次子季興見魏志注

鵬爲費亭侯 隸釋曹鵬碑陰云建和元年七月己巳皇  
太后日其遣費亭侯之國

恆農張奐潁川堂銘地典等 趙字衍三國志魏太祖紀

注引司馬彪續漢書無趙字

於斜谷閒搜得其書 斜谷閒裴注引續漢書作函谷關  
養子嵩嗣 魏志曰鵬養子嵩莫能審其本末注引續漢  
書云嵩字巨高

單超傳

左回天具獨坐徐臥虎唐雨墮 雨墮一作雨墮通鑑攷

異云雨墮者謂其性急暴如雨之墮無有常處也太平  
御覽三百九十三又四百九十六並引風俗通云延嘉

中中常侍單超左怕徐璜具瑗唐衡在帝左右縱其姦  
惡時人爲之語曰左回天徐轉日具獨坐唐應聲言其  
信用甚于轉圜也竊意兩墮兩墮義無所取應仲遠說  
爲得其實

曹節傳

其本魏郡人 其下疑脫先字

節亦增邑四千六百戶并前七千六百戶 案曹節建寧  
元年以定策功封長安鄉侯六百戶後誅竇武陳蕃等  
進封育陽侯增邑三千戶若延熹八年又增邑四千六  
百戶當云并前八千二百戶矣今云并前七千六百戶  
則增邑之數當云四千其六百二字衍文也



巡以爲諸博士試甲乙科 此下六十餘言已見儒林傳  
而又載于此失之複沓矣

孫期傳

范升傳孟氏易以授楊政 孟氏當作梁丘范升傳云及  
長習梁丘易又上疏云臣與博士梁恭山陽太守呂羌  
俱脩梁丘易楊政傳亦云從范升受梁丘易漢儒師法  
各不相謀此云傳孟氏易傳寫之譌也

張馴傳

光和七年徵拜尙書 光和紀元無七年攷中平之改元  
在是年十二月則光和七年卽中平元年也

尹敏傳

建武二年前上疏陳洪範消災之術 續漢書云建武二年  
敏上疏云六沴作見若是供御帝用不差神則大喜五  
福乃降用章於下若不供御六罰既侵六極其下明供  
御則天報之福不供御則禍災至欲尊六事之體則貌  
言視聽思心之用舍六事之揆以致乎太平而消除黷  
軻孽害也

孔僖傳

天下所具也 具當作見

命儒者講論 論下闕本有語字

崔駰以家林筮之 崔篆有周易林六十四篇故曰家林  
楊倫傳

扶風杜林傳古文尙書 案杜林傳云前于西州得漆書

古文尙書一卷出以示衛宏徐巡等曰林流離兵亂常恐斯經將絕何意東海衛子濟南徐生復能傳之古文雖不合時務然願諸生無悔所學宏巡益重之由是古文遂行據此則古文之傳衛徐二人亦大有功也

包咸傳

傳中右中郎將 傳當作侍南監本不誤

魏應傳

魏應字君伯 案承宮傳云宮名播匈奴時北單于遣使求得見宮宮自以狀醜不可以示遠宜選有威容者帝乃以大鴻臚魏應代之是應乃長大有威容者

丁恭傳

封關內侯 光武時恭門人鍾興以春秋教太子封爲關  
內侯興曰臣師丁恭乃封恭

張元傳

諸生上言元兼說嚴氏宣氏不宜專爲嚴氏博士 宣氏  
二字疑衍是時春秋嚴顏並立博士言其學通二家當  
兼二家博士也

李育傳

固奏記薦育于驃騎將軍東平王蒼 其詞曰扶風掾李  
育經明行著教授百人溢故知新論議通達廉清脩絜  
行能純備雖前世名儒國家所器韋平孔翟無以加焉

服虔傳

作春秋左氏傳解 解下脫誼字

杜篤傳

肇有十二 有十當作十有

南禽公孫北背強胡 閩本無此二句非

王隆傳

所著詩賦銘書凡二十六篇 案隆嘗作小學漢官篇見

百官志

傅毅傳

班固爲中護軍 前書有護軍都尉屬大司馬平帝元始

元年更名護軍中護軍之官始見于此至漢季又有中

領軍矣

黃香傳

田令商者不農 田字疑誤或是甲字

劉珍傳

劉珍字秋孫 案百官志注引胡廣說云前安帝時越騎校尉劉千秋校書東觀樊長孫與書曰漢家禮叔孫通等所草創誠宜撰次依擬周禮君以公族元老正丁其任劉君甚然其言參議未定會遷宗正衛尉未遑恤也攷其時候及歷官原委劉千秋卽劉珍也傳云秋孫未知孰是

又撰釋名三十篇 今所行釋名二十七篇非此也是劉

熙所撰熙之名見于吳志程秉薛綜等傳書之名見於  
吳志韋曜傳及隋書經籍志

邊韶傳

後爲陳相 韶延熹八年八月爲陳相作老子銘其文載  
在隸釋

邊讓傳

盡人生之祕玩 人生闕本作生人

注繁手怕聲淫埋心耳 當作繁手淫聲怕埋心耳

拔毛嬙之素肘 此句下闕本南監本俱有正文形便娟  
以嬋媛兮若流風之靡草十三字又注文淮南子曰今  
舞者便娟若秋菡被風菡白芷也十八字汲古閣本脫

非禮不言 禮闕本作法

子奇終無阿宰之功 阿宰闕本作理阿

操告郡就殺之 袁紹檄文云故九江太守邊讓英才倚  
逸以直言正色論不阿附身被梟縣之戮妻帑受灰滅  
之咎

侯瑾傳

西河人敬其才而不敢名之 陳景雲曰西河當作河西  
瑾敦煌人河西四郡之一也

高彪傳

病卒於官 碑云君舉將潁川太守南陽文府君徵詣廷  
尉君感綱紀捐官赴義星行載驅至以生疾光和七年



六月丙申卒

嗣衡傳

昔孝武繼統 孝武文選作世宗

臣等區區敢不以聞 此下文選尙有陛下篤慎取士必  
須効試乞令衡以褐衣召見必無可觀臣等受面欺之  
罪二十九字

後漢書辨疑卷十終

後漢書辨疑卷十一

嘉定錢大昭晦之甫學

譙元傳

持節與太僕任憚等分行天下 前書本紀及表俱作王憚

劉茂傳

元初中鮮卑數百餘騎寇漁陽 元初以下一百二十五字與鮮卑傳重複又誤以延平爲元初當去此存彼 索盧放傳

索盧放字君陽 呂氏春秋禽滑釐有門人索盧參王莽末有無鹽人索盧恢

范冉傳

少爲縣小吏 丹爲外黃令牛述功曹見爰延傳

趙苞傳

甘陸東武城人 陸當作陵南監本不誤

諒輔傳

若至中不語 當作若至日中不雨南監本不誤

折像傳

其先張江者封折侯 前書表無此侯

樊英傳

成都市火甚盛因含水西向澆之 案神仙傳所載樂巴

西南巽酒成都火滅疑卽一事傳聞有異耳

孫陵以諂事宦人爲司徒 案樊陵中平五年山永樂少  
府爲太尉非司徒也傳誤

唐檀傳

立濟陽王爲天子 濟陽當作濟陰南監本不誤

公沙穆傳

以高第爲主事 此卽光祿主事也

於是暴雨旣霽 閩本暴雨下有不終日三字

徐登傳

徐登者閩中人也 自徐登以下十餘人皆神仙恠異之

事不作傳可也

左慈傳

慙乃卻入壁中霍然不知所在 閩本無然字

計子勲傳

計子勲者不知何郡縣人 此計子勲疑卽荀子訓也一

人兩傳

上成公傳

上成公者宓縣人也 書縣不書郡非史例

梁鴻傳

父讓王莽時封脩遠伯 案前書王莽傳讓作護

妾亦假蹇數夫矣 廣雅曰偃蹇天橋也蓋驕傲之意

鮑宣妻傳

爲魯郡太守 當云魯相說詳鮑永傳

周郁妻傳

郁父偉 偉閩本作衛

曹世叔妻傳

名昭字惠班 文選東征賦注引後漢書云字惠姬

耳無淫聽 淫閩本作塗

視聽陝輸 說文媿不媚前卻媿媿也陝輸與閃揄同趙  
壹傳榮納由于閃揄孰知辨其蚩妍注閃揄傾佞之貌  
在此無惡在彼無厭 閩本彼此二字互易

樂羊子妻傳

一絲而累以至于寸 說文糸織絹以糸貫杼也从絲省

升聲 古寔切

陰瑜妻傳

後同郡郭奕喪妻爽以采許之 陳景雲曰郭嘉卒於建  
安十二年年三十八距荀爽之歿幾二十年計爽存日  
嘉年方冠不得有受室壯子又爽名德素著亦定無強  
奪女志事爽奕二字必有誤

東夷傳

初北夷索離國王出行 王充論衡吉驗篇索作橐  
復徙於馬蘭 蘭論衡作欄

至靈帝熹平年復奉章貢獻 本紀熹平三年夫餘國遣  
使貢獻此年字上脫三字閩本不脫

主部優台使者帛衣先人 帛魏志作皂部閩本作簿以

下文大加主簿句證之則作簿者是魏志亦作簿

好祠鬼神社稷零星 零星前書郊祀志作靈星

安帝永初五年 五當作三

幽州刺史馮煥 闕本及本紀煥俱作煥

夏復與遼東鮮卑八千餘人攻遼隊 遼東二字疑是衍

文

殺帶方令 郡國志帶方屬樂浪注誤

其地東西夾南北長 夾古狹字

以相兼領 兼闕本作監

分置樂浪臨屯元菟真番四部 部疑當作郡

其官有侯邑君三者 三者魏志作三老



海出從魚 從閩本及魏志作班

大率皆魁頭露紒 魁科聲相近

馬韓割東界地與之 東當作東

行酒爲行解 行解當從魏志作行觴

相別爲徙 閩本及魏志俱作相呼爲徙

次有樊祇 魏志作樊濊

凡諸質易 質疑質字之譌閩本作貨亦誤

在會籍東治之東 籍當作稽

才曰其矢 當從閩本作木弓竹矢

別尊卑之走 走字誤安帝紀注引此傳及閩本皆作

有東鯤人分爲二十餘國 二閩本作三

南蠻傳

單程等飢困乞降 單程上脫相字

帝賜調便金印紫綬 案本紀曰南徼外葉調國揮國遣使貢獻注引東觀記曰葉調國王遣使師會詣闕貢獻以師會爲漢辨義葉調邑君賜其君紫綬據此則葉調是其國名便是其君名傳云帝賜調便疑有誤

巴郡黃巾賊起 閩本巴有州字非也

遣西園上軍別部司馬趙瑾討平之 卽上軍校尉蹇碩之別部司馬也

西南夷傳

楛榆拊棟連然滇池建憐昆明 楛榆郡國志屬永昌郡

前志益州郡有昆澤無昆明續志益州永昌二郡俱無  
昆明疑昆澤之譌注以六縣爲槩屬益州郡誤

建元二十三年其王賢栗 建元當作建武

肅宗募發越嶲益州永昌夷漢九千人討之 漢字疑衍  
蘇祈叟二百餘人 史漢西南夷傳無叟字蜀夷有名叟  
者蓋在明章之後董卓傳呂布軍有叟兵劉焉傳遣叟  
兵五千劉璋傳送叟兵三百人李恢傳賦出叟漢張巖  
傳叟夷數反諸葛亮出師表資叟青羌是也

旄牛夷叛攻零關 零郡國志作靈

永壽二年蜀郡夷叛 本紀作蜀郡屬國夷

西羌傳

賜支者禹貢所謂析支者也 賜析聲相近

其兵常在山谷 常閩本作長

又數遣使驛通動靜 閩本通下有導字

臨羌長收擊比銅鉗 擊當作繫

以父降漢乃入居塞內 馬防傳所云金城隴西保塞羌也

武威太守傅育代爲校尉移居臨羌 前校尉竝居安夷

今始居臨羌故曰移

章和元年復與諸種步騎七千人入金城塞 按上文已

有章和元年矣此四字疑衍

集附落種馭熾盛 集上閩本有會字

與金城太守侯霸 此侯霸非則鄉侯也

以其居大小榆谷土地肥美 水經注河水逕西海郡南  
又東逕允川而歷大榆谷小榆谷北二榆土地肥美羌  
所依阻也

京師虎牙都尉耿溥 京師當作京兆

怒而不救光竝沒 閩本光下有等字

戰于富平河上 河上疑當作上河水經注云河水於此  
有上河之名也

上郡沈種羌五千餘人 本紀作沈氏羌

而首尾兩頭 首尾閩本作首施

而遭元元無妄之災 元元當作元二謂安帝永初元年

二年也下云郡縣兵荒二十餘年自永初至永建四年  
正二十餘年說詳鄧騭傳

長封親屬竝謂實降 實當作賢

又於扶風漢陽隴道作塢壁三百所 案本紀令扶風漢  
陽築隴道塢據此則作字當在隴道之上

據參戀北界 戀當作戀

三年夏趙沖與漢陽太守 三當作二漢安無三年

趙沖復追叛光到建威鷓陰河 建威當作武威鷓陰前  
志屬安定續志屬武威

乃與漢中羌義從胡北宮伯玉等 漢中當作湟中

桓帝建和二年白馬羌千餘人云云 此三十一字已見

上文不須重出

南破嵩積 嵩當作贊

四城傳

宜禾都尉以屯田 伊吾地宜五穀桑麻皆膏腴之地

故置宜禾都尉於此

憲因遣副校尉閻槃 槃當作藝說詳和帝紀

因以超爲都尉 尉疑當作護

復部營兵三百人 舊時敦煌郡有營兵三百人今復部

之

庶尼折衝萬里 尼當作足

與戊部候嚴皓不相得 戊部候永元三年置居車師後

部候城

後部候炭遮嶺餘人嶺閩本作領

論將微意未譯意閩本作義

南匈奴傳

十三年遂寇河東據本紀當作十五年

以次當左賢王當下應有爲字

時比弟漸將王漸將王匈奴官名

其冬比自立爲呼韓邪單于本紀是年十月匈奴莫鞮

日逐王比自立爲南單于於是分爲南北匈奴

及南部五骨都侯五骨都侯者卽下文韓氏當于呼衍

耶氏粟籍也皆匈奴大族



及悉復緣邊八郡 八郡者雲中五原朔方北地定襄雁門上谷代也

以中郎將吳棠 袁紀作吳常

攻皋林溫禺犢王於涿邪山 北史云徇弱水西行得涿邪山

以征西大將軍耿秉 案章帝紀耿秉傳並作征西將軍 此大字疑衍

復將眾還居涿邪山 先是永平十六年遁去至此時復還

又畏丁令鮮卑遁逃去依安侯河西 按魯恭傳恭上疏曰今匈奴爲鮮卑所殺遠城于安侯河西去塞數千

里而欲乘其虛耗利其微弱是非義之所出也此作安  
侯彼作史侯未知孰是

慚無報効之義 義岡本作地

建元元年鄧遵免 建元當作建光注亦誤

以太原太守法度代爲將軍 將軍上當有度遼二字下  
文漢陽太守傅眾遼東太守龐參城門校尉吳武並爲  
度遼將軍皆脫度遼二字

龜坐下獄死 案陳龜傳下獄之後再遷爲京兆尹則此  
云下獄死非也

中國之所長也 閩本無也字

烏桓傳

力遣車騎將軍何熙 本紀作行車騎將軍此當有行字  
度遼將軍梁慍等擊 度遼上亦當有行字

烏桓復與鮮卑及南匈奴鮮卑寇緣邊九郡 下鮮卑二

字疑衍案本紀是年六月南匈奴及烏桓鮮卑寇緣邊

九郡

鮮卑傳

因令擊北匈奴左伊育營部 育祭彤傳作秩

率種人詣闕朝賀 賀魏志作貢

時漁陽赤山烏桓歆志賁等 歆魏志注作欽

永壽二年秋檀石槐遂將三四千騎寇雲中 是役也度

遼將軍李膺平之 事見膺傳故應奉疏稱膺著威幽并

遺愛度遼也傳失載

幽并涼三州緣遼諸部 陳景雲曰部當作郡

後漢書辨疑卷十一終